



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : CNEC CHRISTIAN COLLEGE

学校名称 : 中华传道会安柱中学

Name of Play 剧名 : 兄弟

Script writer 剧作者 : 王冠仁同学

Synopsis 故事大纲 :

在余华的小说《兄弟》里，
李光头和宋钢这对兄弟，
虽没有血缘关系，
但在苦难的岁月里相依为命，感情至深。
一个个温馨而又催泪的细小事情，让人既羨且慕。
这对兄弟，虽非亲生，胜似亲生。

在现代版的《兄弟》里，
亲生兄弟却刚好相反。
虽是亲生，却如陌路。
一件突发事件，又能否令关系破冰？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场

(灯亮)

兄： 咪讲好咗私了咯，做咩同呀爸讲啊？

弟： 我等咗你两个礼拜了，我都要用电话架。

爸爸： 你系咪冇脑架？揸住部电话都可以跌落厕所。

兄： 废柴，净系识报串。

爸爸： 你讲边个废柴呀，唔好好读书，成日净系识搞搞阵，我未讲完，你去边呀，喂.....

(灯暗)

第二场

(灯亮)

婶婶： 有冇人呀，我唔想睇到啲唔等洗嘅野呀。哇，个厕所岩岩洗完又咁臭嘅？

(去储物室拿出拖把清洁)

(同学 A 及 B 入场，A 四周围看)

同学 B： 姨姨，厕所有冇人呀？

婶婶： 我系咪人呀？

同学 A： 嘻嘻，即系冇人啦！

婶婶： 你地系度就岩啦，几时攞走个噏呀？(对着 A) 你呀，女仔黎架，成日入黎男厕贪佢香咩？(对 B) 你呀，因住比人睇蚀晒呀！

同学 B： 我用厕格唔用尿兜架。

婶婶： 总之你地快啲走啦。

同学 A： 系啦系啦，拜拜。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

同学 B: 仲唔播黎听下？

(A 播放录音)

同学 B: 拾遗不报都要坐八个月监？会唔会太多啊。

同学 A: 唔得啦，我地都系快啲还翻啲钱啦。

同学 B: 唔会有事架。

同学 A: 我地系巴士度执到袋钱，巴士有 CCTV 架。

同学 B: 巴士边度有 CCTV 呀。

同学 A: 咁巴士呀叔啲片边度黎架？

同学 B: 个啲叫偷拍咯唔该。

同学 A: 你念下，无端端点会有咁大袋钱？...系道具？

同学 B: 无聊。

同学 A: 正常人点会攞咁大袋钱出街啊？个啲钱可能唔见得光，赎金？

同学 B: 痴线。

同学 A: 黑钱？黑社会？我地唔可以同黑社会斗架。

同学 B: 低能仔。

同学 A: 我地斗唔赢架。

同学 B: 咪住，我地头先又真系攞住袋钱落车，学校又有 CCTV。

同学 A: 我地快啲还翻啲钱啦。

同学 B: 点还呀，追返架车呀？我地都有抄底车牌。

同学 A: 还去警局咯。

同学 B: (不舍) 好啦咁，唉，我咁大个人都未见过咁多钱架，你企系度做咩呀，仲唔快啲过黎同啲钱讲拜拜？

同学 B: 唉，我个 Prada 手袋呀。

同学 A: 我部 Iphone 呀。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

同学 B: 咪住，如果个天想我地发横财，我地咁做，咪会遭天谴？

同学 A: 下？咁大镬？

(B 去攞噏)

同学 A: 做咩呀？我地依家要走佬？

同学 B: 攞啲嘢入去啦。

同学 A: 做咩呀！

同学 B: 你想要咩密码？759？

同学 A: 阿信屋？

同学 B: 好呀，阿信屋，759 就系密码。

(A 望着 B 发呆)

同学 B: 我真系生得太聪明啦，(一路襟手机一路讲) 只要有人帮我地 keep 住啲钱，过左一段时间冇人搵上门，我地就冇事啦。

同学 A: 即系我地稳人 keep 住袋钱，冇事就佢咩，冇事嘅，袋钱就系我地嘅。

同学 B: 5, 4, 3, 2, 1。

兄: 有咩要我帮手架？

同学 B: 我地有噏野想放系你屋企。

兄: 入面咩黎架？

同学 B: 入面系高防潮物，我地呀妈知我地搵外快，放系我地屋企有啲危险。

兄: 咩嘢价钱先？

同学 B: 一日 30。

兄: (把噏推回)

同学 B: 50。

兄: 成交。

同学 A: 咁冒险，佢会唔会落格架？